

### **13-vaziyat.**

**Keys bayoni.** Maktabgacha ta'lim tashkilotining o'rta guruh tarbiyalanuvchilari kechki sayrga aylanishga to'planadilar. Shohruh va Maftunalarning kiyim-kechak javonchalari yonma-yon joylashgan. Bu ikki bolatortishib qoladilar, bir-birlariga halaqit qiladilar. Vaziyatni yengillashtirish maqsadida tarbiyachi, bolalarga qulay bo'lishini ko'zlab stulchalarni uzoqlashtiradi, lekin bolalar tortishuvni davom ettiradilar.

#### **Keysga savol- vazifa:**

Nima qilish kerak?

**1-variant.** Shohruhga haqiqiy janob sifatida qizchaga joyni berishni taklif etish. Unga haqiqiy erkaklar o'zlarini xuddi shunday tutadilar, deb aytish.

**2-variant.** Maftunaga urishmaslikni, o'zining narsalarini olib boshqa joyga o'tishni taklif etish.

**3-variant.** Agar bolalar javonchalar uchun doimo urishayotgan bo'lsalar, u javonchalarining joyini "almashtirib qo'yish"ga harakat qilib ko'rish. **Manba:** "Maktabgacha ta'lim pedagogikasi", "Maktabgacha yoshdagi bolalarni maktabga tayyorlash metodikasi".